

四庫全書

集部

欽定四庫全書

文苑英華卷二百二十五 宋 李昉等 編

道門一

遊仙三十七首

神仙二首

懷仙五首

夢仙二首

謫仙一首

仙谷遇毛女一首

桃源三首

秦越人洞中詠一首

下元齋詠一首

歌詞五首

遊仙

梁武帝

見初學記

水華究靈奧陽精測神秘具聞上仙訣留丹未肯餌潛  
名遊柱史隱居郎位委曲鳳臺日分明栢寢事蕭史  
暫徘徊待我升龍轡

同前

奉和竟陵王

沈約

朝上閭闔宮高

類聚作暮

宴清都闕騰蓋擁

類聚作隱

奔星低鸞

避行月九嶷紛相從虹旌乍升沒青鳥去復留高唐雲

不歇若華有餘照淹留且晞髮

同前

和趙王

庾信

藏山還採藥有道得從師京兆陳安世城都李意期玉

京

類集作魚

傳相鶴太一受飛龜白石香新芋青泥美熟芝

山精逢照鏡樵客遇

類聚作值

圍碁石紋如碎錦藤苗似亂

絲蓬萊在何處漢后欲遙祠

同前

此詩已見一百九十二卷

盧思道

同前

尋蘇道士効作

王績

暫出東坡

一作波

路過訪北

一作此

巖前蔡經新學道王烈

舊成仙駕鶴來無日來龍去幾年三山銀作地八洞玉  
為天金精飛欲盡石髓溜應堅自悲生世促無暇待桑

田

二

上月芝蘭徑中巖紫翠房金壺新鍊乳玉釜始煎香六  
局黃公術三門赤帝方吹砂聊作鳥動石試為羊緱氏  
還程促瀛洲會日長誰知北巖下延首詠霓裳

三

結衣尋野路負杖入山門道士言無宅仙人更有村斜  
溪橫桂渚小徑入桃源玉牀塵稍冷金爐火尚溫心疑  
遊北極望似陟西崑逆愁歸舊里蕭條訪子孫

四

真經知那是仙骨定何為許邁心長切嵇康命似竒  
桑踈金闕迥苔重石梁危照水燃犀角遊山費虎皮鴨桃  
聞已種龍竹未經騎為向天仙道棲遑君詎知

同前

葳蕤三珠樹杳靄仙源路日規半隱霞山窻未斂霧泛  
琴宜秋寂吹簫看鳳度披雲振輕衣踏葉羅幽步前溪  
鬼谷隱後嶺王喬住翡翠映碧流桂花凝清露眇然歸  
天理逍遙任真趣寄謝桑榆客榮耀非所務

同前

劉 緩

稅駕倚扶桑逍遙望九州二老佐軒轅稱戈戮蚩尤功  
成棄之去乘龍上丹丘一作天遊天上見玉皇壽與天地休  
俯視崑崙宮五城十二樓王母何窈眇玉質清且柔揚

袂折瓊芳寄我天東頭相思千萬歲大運浩悠悠安用  
知吾道日月不能周寄音青鳥翼謝爾碧海流

同前

賈島

借得孤鶴騎高近金鳥飛掬河洗古貌照月生嫩輝天  
中鶴路直天盡鶴一息歸來不騎鶴身自有兩翼若人  
無仙骨芝朮徒煩食

同前

王貞白

我家三島上洞戶眺

枕一作波濤醉背雲屏卧誰知海日



高露香紅玉樹風綻碧蟠桃悔與仙子別思歸夢釣鰲

我家

集作  
駕言

風綻

集作  
風撼

仙子

集作  
神仙

大遊仙十三首

曹唐

漢武帝將候西王母下降

崑崙凝想最高峰  
王母來乘五色龍  
歌聽紫鸞猶縹緲  
語來青鳥許從容  
風迴水落三清月  
漏苦霜傳五夜鐘  
樹影悠悠花悄悄  
若聞簫管是行蹤

漢武帝於宮中宴西王母

鼇岫雲低太一壇  
武皇齋潔不勝懽  
長生碧字期親署  
延壽丹泉許細看  
劍佩有聲宮樹靜  
星河無影禁花寒  
秋風裊裊月朗朗  
玉女清歌一夜闌

劉晨阮肇遊天台

樹入天台石路新  
細雲和雨動無塵  
烟霞不省生前事  
水木空疑夢後一作身  
身往往雞鳴巖下月  
時時犬吠洞中春  
不知此地歸何處  
湏就桃源問主人

劉阮洞中偶一作遇  
仙子

天和樹色靄蒼蒼霞重嵐深路渺茫雲竇滿山無鳥雀  
水聲沿澗有笙簧碧沙洞裏乾坤別紅樹枝前日月長  
願得花間有人出不令仙犬吠劉郎

仙子送劉阮出洞

殷勤相送出天台仙境那能却再來雲液每歸須強飲  
玉書無事莫頻開花當洞口應長在水到人間定不迴  
惆悵溪頭從此別碧山明月照蒼苔

仙子洞中有懷劉阮

不將清瑟理霓裳。塵夢那知鶴夢長。洞裏有天春寂寂，  
人間無路月茫茫。玉沙瑤草連溪碧，流水桃花滿澗香。  
曉露風燈零落盡，此生無處訪劉郎。

劉阮再到天台不復見仙子

再到天台訪玉真，青苔白石已成塵。笙歌冥寞閒深洞，  
雲鶴蕭條絕舊隣。草樹總非前度色，烟霞不似昔年春。  
桃花流水依前在，一作然不見當時勸酒人。

織女懷牛郎

北斗佳人雙淚流  
眼穿腸斷為牽牛  
封題錦字凝新恨  
拋擲金梭織舊愁  
桂樹三天雲漠漠  
銀河一帶水悠悠  
欲將心就仙郎說  
借問榆花早晚秋

玉女杜蘭香下嫁於張碩

天上人間兩渺茫  
不知誰嫁杜蘭香  
來經玉樹三山遠  
去隔銀河一水長  
怨入清塵愁錦瑟  
酒傾玄露醉瑤觴  
遺情更說何珍重  
擘破雲鬟金鳳凰

王遠宴麻姑蔡經宅

好風吹樹杏花香  
花下真人道姓王  
大篆龍蛇隨筆札  
小天星斗滿衣裳  
閒拋南極歸期晚  
笑指東溟飲興長  
要喚麻姑同一醉  
使人沽酒向

一作餘杭

萼綠華將歸  
九疑留別許真人

九點秋煙黛色空  
綠華歸思頗無窮  
每悲馭鶴身難任  
疑作長恨臨霞語未終  
河影暗吹雲夢月  
花聲閒落洞庭

庭風藍絲重勒金條脫  
留與人間許侍中

穆王宴王母於九光流霞館

桑葉扶踈閉日華  
穆王邀命宴流霞  
霓旌著地雲初駐  
金奏掀天月欲斜  
歌咽細風吹粉葢  
飲餘一作清露濕  
瑶砂不知白馬紅  
韁解偷啣東田碧玉花

紫河張休真

琪樹扶踈壓瑞煙  
玉皇朝客滿花前  
山川到處成三月  
絲竹經時即萬年  
樹石冥茫初縮地  
盃盤狼藉未朝天  
東風小飲人皆醉  
從聽黃龍枕一作水眠

小遊仙十三首

曹唐

一  
偷來洞口等劉君  
緩步輕搵綠繡裙  
旋擘桃花擲流水  
更無言語倚彤雲

二

風動閒

一作寒

天清桂陰水精簾  
箔冷沉沉西妃少女春

思亂斜倚彤雲盡日吟

三

方士飛軒住碧霞  
酒寒風冷月初斜  
不知誰唱春歸曲



落盡溪頭白葛花

四

玉簫金瑟發商聲  
桑葉乾枯海水清  
靜掃蓬萊山下路  
畧邀王母話長生

五

紫雲停步彩雲飛  
共看真皇海上歸  
千載桃花香破鼻  
玉盤盛出與金妃

六

白石山中自有天  
竹花藤葉滿溪煙  
朝來洞裏圍碁了  
賭得青龍直幾錢

七

酒灑春濃瑤草齊  
真公飲散醉如泥  
玉輪軋軋入雲去  
行到半天聞馬嘶

八

南斗攔珊北斗稀  
茅君夜著紫霞衣  
獨乘青鹿起朝去  
鳳押笙歌隨後飛

九

饑即飡霞悶即行一聲長嘯萬山青  
穿花渡水能相訪  
珍重多才阮步兵

十

東妃閒著紫霞裙  
自領笙歌出五雲  
清思密談誰第一  
不過邀取小茅君

十一

朝迴相引看紅泉  
不覺風吹鶴氅偏  
好見上清騎白鵠

旋驅旌

旌一作旌

節旋昇天

十二

紅草青林日半斜  
閒隨小鳳出彤霞  
略尋舊路過西國  
因得冰園一顆瓜

十三

風滿塗山玉葉稀  
赤龍閒卧鶴閒飛  
紫藜爛盡無人喫  
何事蘇君去不歸

神仙

崔仲方

崑丘本難陟軒臺不易朝還往麟洲上時聽鳳凰簫霞  
觀文犀簟香林碧玉條且學燒丹甌何假一作暇摘仙桃

同前

顏之推

紅顏恃容色青春矜盛年自言曉書劔不得學神仙風  
雲落時後歲月度人前鏡中不相識捫心徒自憐願得  
金樓要思逢玉鈐篇九龍遊弱水八鳳出飛煙朝遊采  
瓊實夕宴酌膏泉崢嶸下無地列缺上陵天舉世聊一  
息中州安足旋

懷仙

并序

王勃

客有自幽山來者起予以林壑之事而烟霞在焉思解  
纓紱永詠山林神與道超跡為形滯故書其事焉

鶴岑有竒徑麟洲富仙家紫泉漱珠液玄巖列丹葩常

希

集作  
若

披塵網眇然登雲車鸞情極霄漢鳳想疲煙霞

道存

集作  
在

蓬瀛近意愜朝市賒無為坐惆悵虛此江上

華

觀內懷仙

前人

玉架殘書隱金壇舊跡

集作路

迷牽花尋紫洞步葉下清

溪瓊漿猶類乳石髓尚如泥自能成羽翼何必俟雲梯

懷仙引

雜言

盧照隣

若有人兮山之曲駕青虬兮乘白鹿往從之遊願心足  
披磻戶訪巖軒石瀨潺湲橫石徑松蘿累歷掩松門下  
空濛而無鳥上巉巖而有猿懷飛閣度飛梁休余馬於  
幽谷掛余冠於夕陽曲復曲兮煙莊邃行復行兮天路  
長脩途杳其未半飛雨忽以茫茫山坳軋嶺

一作連寨

攀石壁而無據，沂泥溪而不前。何無情之白日，竊有恨於皇天。回行遵故道，通川徧流潦。迴首望羣峯，白雲正溶溶。珠為闕兮玉為樓，青雲蓋兮紫霜裘。天長地久時相憶，千齡萬代一來遊。

懷仙吟二首

陳陶

丹陵五牙

一作霞

客昨日羅浮歸，赤斧尋不得。煙霞空滿

衣，試於華陽問果遇。三茅知採藥，向十洲同行牧羊兒。十洲隔八海，浩渺不可期。空留雙白鶴，巢在長松枝。



二

雲溪古流水春晚桃花香憶與我師別片帆歸滄浪滄  
浪在何許相思淚如雨黃鶴不復來雲深離別處石渠  
泉泠泠三見菖蒲生日夜勞夢魂隨波注東溟空懷別  
時惠長讀消魔經

忽夢遊仙

王勃

僕本江上客牽跡在方內寐寤霄漢間居然有靈對翕  
爾登霞首依然躡雲背電策驅龍光烟道儼鸞態乘月

披金帔連星解瓊珮浮識俄易歸真遊邈難再寥廓沉  
遐想周遑奉遺誨流俗非我鄉何當釋塵昧

夢仙

白居易

人有夢仙者夢身昇上清坐乘一白鶴前引雙紅旌羽  
衣忽飄飄玉佩俄錚錚半空直下視人世塵冥冥漸失  
鄉國處纔分山水形東海一片白列嶽五點青須臾羣  
仙來相引朝玉京安期羨門輩列侍如公卿仰謁玉皇  
帝稽首前致誠帝言汝仙才努力勿自輕却後十五年

期汝不死庭再拜受斯言既寤喜且驚秘之不敢泄誓  
志居巖扃恩愛舍骨肉飲食斷羶腥朝食雲母散夜吸  
沆瀣精空山三十載日望輜輶迎前期過已久鸞鶴無  
來聲齒髮日夜衰集作衰白耳目減聰明一朝同物化身與  
冀壤并神仙信有之俗力非可營苟無金骨相不列丹  
臺名徒傳辟穀法虛受燒丹經祇自取勤苦百年終不  
成悲哉夢仙人一夢誤一生

謫仙詞

陳陶

牧龍丈人病歌一作高秋羣童擊節星漢愁瑤堂鳳輦不

勝恨太古一聲龍白頭玉氣蘭光久摧折上清雞犬音

書絕蛻旌失手遠於天三島空雲對秋月人間磊磊浮

漚客鸞鷲蜻蜒飛自隔不應冠蓋逐黃埃長夢真君舊

恩澤 冠蓋後篇作冠劍

仙谷遇毛女意知是秦宮人 常建

溪口水石淺冷冷明藥叢入溪雙峯峻松栝數一作栢踈幽

風垂嶺竹嫋嫋翳泉花濛濛黃緣霽人目路盡心彌通

盤石橫陽崖前臨殊未窮迴潭清雲影瀰漫長天空水  
邊一神人千歲為玉童羽毛經漢代珠翠迓秦宮目覿  
神已寓鶴飛言未終祈君青雲秘願謁黃仙翁常以耕  
玉田龍鳴西頂中金梯與天接幾日來相逢

同吉中孚夢桃源

盧綸

夜靜春夢長夢逐仙山客林園滿芝朮雞犬傍籬柵幾  
處花下人看余笑頭白

桃源行

劉禹錫

漁舟何招招浮在武陵水拖綸擲餌信流去誤入桃源  
行數里清源尋盡花綿綿踏花覓逕至洞前洞門蒼黑  
烟霧生暗行數步逢虛明俗人毛骨驚仙子爭來致詞  
何至此須臾皆破冰雪顏笑言委曲問世間因嗟隱身  
來種玉不知人世如風燭筵羞石髓勸客食燈檠松脂  
留客宿鷄聲犬聲遙相聞曉光蔥蘢開五雲漁人振衣  
起出戶蒲庭無路花紛紛翻然恐失集作迷鄉縣處一息  
不肯集作覺桃源住桃花滿溪水似鏡塵心如垢洗不去

山家一出尋無蹤至今流水

集作水

山重重

尋桃源

張喬

武陵春草齊花影隔澄溪路遠無人去山空有鳥啼水  
垂青靄斷松偃綠蘿低世上迷途客經茲盡不迷

秦越人洞中詠

于鵠

扁鵲得仙處傳是西南峯年年山下人長見騎白龍洞  
門黑無底日夜唯雷風清齋將入時戴花兼抱松石逕  
陰且寒地響知遠鐘似行山林外聞葉

集作乘

屐

一作履又作屨

聲重低礙更俯身漸遠晝夜同時時白蝙蝠飛入茅衣  
中行久路轉窄靜聞水淙淙但願逢一人自得朝天宮

宿西山脩下元齋詠

前人

幽人在何處松檜深溟溟西峯望紫雲知處安期生沐  
浴溪水暖新衣禮仙名脫履入靜堂遶像隨禮行碧紗  
籠寒燈長幡綴金鈴林下聽法人起坐枯葉聲啓奏脩  
律儀天曙山鳥鳴分行布管茅列坐蒲中庭持齋候撞  
鐘玉函散寶經焚香開卷時照耀金室明投簡石洞深



稱過上帝靈學道能苦心自古無不成

少室山韋鍊師昇仙歌

皇甫冉

紅霞紫氣晝氛氲絳節青童迎少君  
忽從林下昇天去空使時人禮白雲

上清詞

張繼

紫陽宮女捧丹砂王母令過漢帝家  
春風不肯停仙馭却向蓬萊看杏花

仙女詞

楊衡

玉京初侍紫皇君金縷鴛鴦蒲絳裙仙宮一閉無消息  
遙結芳心向碧雲

玉京詞

劉言史

絕景寥寥日更遲人間甲子不同時未知樵客終何得  
歸後無家是看碁

瑤水詞

集作  
懷仙

鮑溶

崑崙九層

集作閨  
風綺閣

幾千丈瑤水四

集作  
西

流十二城心羨

集作  
曾見

周靈王太子碧桃花下學吹笙

文苑英華卷二百二十五

欽定四庫全書

文苑英華卷二百二十六 宋 李昉等 編

道門二

宮觀六十四首

入道士觀

庾 信

金華開八景玉洞上三危雲袍白鶴度風管鳳凰吹野  
衣縫蕙葉山中簾去聲笋皮何必淮南館淹留攀桂枝

游始興道

陰 鏗

紫臺高不極青溪千仞餘壇邊逢藥鈿洞裏閱仙書庭

舞經乘鶴池遊被擢

一作控

魚稍昏薤葉飲欲暝槿花踈

徒教斧柯爛會自不凌虛

和庾肩吾入道士館

周宏正

石橋看舊跡

一作石橋有舊路

虛空

一作靈石

儼衆仙菊潭溜餘水

丹竈起寒

一作殘

煙桃花經作實海水屢成田送還

一作逆愁

歸里閑

或作舊里

追問斧柯年

一作皆藝文類聚

秋日仙遊觀贈道士

王勃

石圖分帝宇，銀牒洞靈宮。迴丹紫岫室，復翠上巖櫳。霧

濃金竈靜，雲暗玉壇空。野花常捧露，山葉自吹風。林泉

明月在詩酒，故人

集作水非

同待余逢石髓

集作駕非

從爾命飛

鴻

尋道觀

其觀即昌利觀而張天師居也

前人

芝廬光分野，蓬闕盛規模。碧壇清桂闕

集作影

丹洞肅松

樞玉笈，三山記金箱。五岳圖蒼虬，不可得

集作見

空望白

雲衢

八仙逕

寺南又有昌利觀去寺可數里巖逕窈窕杖而後進

前人

柰

集作大

園欣八正松巖訪九仙  
援蘿規霧術攀桂俯雲

煙

集作仄

岱北鸞駮至遼西  
鶴騎旋終稀脫塵網連日下

芝田

和輔先入昊天觀星瞻

集作星占

楊炯

遁甲爰皇里星瞻太一宮  
天門開奕奕佳氣鬱葱葱碧

落三乾外黃圖四海中邑居環若水城闕抵新豐玉檻

崑崙側金樞地軸東上真朝北斗元始詠南風漢君祠

五帝淮王禮八公道書編

一作  
叢

竹簡靈藥灌梧桐草茂

一作  
蔓

瓊階綠花繁寶樹紅石樓紛似畫地境森如空桑

海中應積桃源路不窮黃軒若有問三月住崆峒

集作  
往崆

峒

桑海中

集作  
年

和劉侍郎入隆唐觀

前人

福地陰陽合仙都日月開山川凌四嶮城樹隱三臺伏



檻排雲出飛軒  
遶澗迴參差  
陵倒景瀟洒  
軼浮埃百果  
珠為寶群峰  
錦作苔懸蘿  
暗凝霧瀑布  
響成雷方士  
燒丹液真人  
泛玉杯還如  
問桃水更似  
得蓬萊漢帝  
求仙日相如  
作賦才自然  
金石奏何必  
上天台

遊廢觀

前人

青嶂倚丹田  
荒涼數百年  
猶知小山桂  
尚識大羅天  
藥敗金爐火  
苔昏玉女泉  
歲時無壁畫  
朝夕有階煙  
花柳三春節  
江山四望懸  
悠然出塵網  
從此狎神仙

游紫霞觀

駱賓王

碧落澄秋景  
玄門啓曙闌  
人疑列禦至  
客似令威還  
羽

蓋從斯

集作徒欣

仰雲車未可攀  
祇應傾玉醴  
特

集作時

許寄

顏顏

遊靈公觀

前人

靈岑

集作峰

標勝地

集作境

神府枕通川  
玉殿斜連漢  
金堂

迴架煙斷風  
踈晚竹流水  
切危

集作寒

絃別有青門外  
空

無

集作懷

玄圃仙

春日登金華觀

陳子昂

白玉仙臺古丹丘，別望遙山川亂雲。  
日樓榭入烟霄，鶴舞千年樹虹飛。  
百尺橋還疑赤松子，天路坐相招。

集作邀

緱山廟

此詩三百二十卷重出今已削去

宋之問

王子賓仙去飄飄，笙鶴飛徒聞滄海。  
變不見白雲歸天路，何其遠人間。  
此會稀空歌白雲暮，霜月漸微微。

過太一觀賈生房

王維

昔余栖遁日之子，煙霞鄰共携。  
松葉酒俱蒸竹皮巾，攀

林遍巖洞採藥無冬春謬以道門子徵為驂御臣常恐  
丹液就先我紫陽賓天促萬塗盡哀傷百慮新跡峻不  
容俗才多反累真泣對雙泉水還山無主人

一柱觀

張說

舊說江陵觀初疑神化來空山結雲閣綺靡隨風迴柰

何任

一作祇

一柱斯焉容衆材竒巧

集作功

非長世今餘草

露臺

同邢判官尋龍湫觀歸湖中 孫逖

星使下仙

集作天

京雲湖喜晝晴更從探穴處還作棹歌

行絲管荷風入簾惟竹氣清莫愁歸路遠水月夜虛明

尋雍尊師隱居

李白

群峭碧磨天逍遙不記年撥雲尋古道倚樹聽流泉  
花暖青牛卧松高白鶴眠語來江色暮獨自下寒煙

潯陽紫極宮感秋

前人

何處聞秋聲脩脩北窓竹迴薄萬古心攬之不盈掬  
靜坐觀衆妙浩然媚幽獨白雲南山來就我簷下宿懶從

唐生決蓋訪季主卜四十九年非一往不可復野情轉  
蕭散世道有翻覆陶令歸去來田家酒應熟

清明日宴梅道士房

孟浩然

林卧愁春盡開軒覽物華忽逢青鳥使邀我赤松家丹  
一作竈初開火仙桃正落花童顏若可駐何惜醉流霞

此詩二百十四卷重出今已削去

遊精思觀回王白雲在後  
前人

出谷未停午到家已夕曛

集作至家  
日已曛

迴瞻下山路但見

牛羊群樵子暗相失草蟲寒不聞衡門猶未掩佇立待

集作  
望夫君

宿天台桐栢觀

前人

海行信風帆夕宿逗雲島緬尋滄洲趣近愛赤城好捫

蘿亦踐苔輟棹恣窮

集作探

討息陰憇桐栢采秀弄芝草

鶴唳清露垂鷄鳴信潮早願言解纓絡從此去煩惱高

步凌四明玄縱

集作蹤

得三老紛吾遠遊意學此

集作樂彼

長

生道日夕望三山雲濤空浩浩

宿太平觀

蔡母潛

見集本

夕到玉京寢宵冥雲漢低  
兔交仙室蝶曙聽羽人鷄  
滴  
澀花上露清冷松下溪明  
當訪真隱揮手入無倪

茅山洞口

前人

華陽仙洞口半嶺拂雲看  
窈窕穿苔壁

集作陸

差池對石

壇方隨地脉轉稍覺水精  
寒未果變金骨歸來茲路  
難

過方尊師院

前人

羽客北山尋草堂松逕深  
養神宗示

集作爾

法得道不知



心洞戶逢雙履寥天有一琴一作禽更登玄圃上仍種杏

成林

武陵龍興觀黃道士房問易因題一作贈

王昌齡

齋心問易太陽宮八卦真形一氣中仙老言餘鶴飛去  
玉清墻上雨濛濛

尋常山南溪道人一作士隱居 劉長卿

一路經行處莓苔見履痕白雲集作鳥依靜渚春草閉閒

門過雨看松色隨山到水源  
溪花與禪意相對亦忘言

洞陽山

已見一百五十九卷

過包尊師山院

前人

賣藥曾相識吹簫此復聞  
杏花誰是主桂樹獨留君  
漱玉臨丹井圍碁訪白雲  
道經今為寫不慮惜鵝群

自紫陽觀至華陽洞宿侯尊師草堂簡同遊

李延陵

石林媚烟景句曲盤江甸  
南向佳氣濃峯峯遙隱見  
漸

臨華陽口微路入葱蒨七曜懸洞宮五雲抱山殿銀函  
竟誰發金液徒堪薦千載桃花春

一作空  
桃花

秦人深不見

東溪喜相遇貞白如會面青鳥來去閒紅霞朝夕變一  
從化真骨萬里乘飛電蘿月延步虛松花醉閒宴幽人  
即長往茂宰應交戰明發歸琴堂知君懶為縣

題玉真觀李秘書

韓翃

白雲斜日影深松玉宇瑤壇知幾重把酒題詩人散後  
華陽洞裏有踈鍾

同題仙遊觀

前人

仙臺下見五城樓，風物淒淒宿雨收。  
山色遙連秦樹晚，磻聲近報漢宮秋。  
疎松影落空壇淨，細草香開一作小洞幽。  
何用別尋方外去，人間亦自有丹丘。

宿洞靈觀

皇甫冉

孤煙洞靈觀，積雪暮山寒。  
松柏凌高殿，莓苔封古壇。  
客來清夜久，仙去白雲殘。  
明日開金籙，焚香又沐蘭。

過李尊師院

集作過樓  
觀李尊師

盧綸

城闕望烟霞常悲仙路賒寧知樵子逕得到葛洪家犬  
吠松間月人行洞裏花留詩千載鶴送客五雲車訪集作  
傲世山空在觀碁日未斜不知塵俗士誰解種胡麻

尋賈尊師

前人

玉洞秦時客焚香映綠蘿新傳左慈訣曾與右軍鵝井  
舊陰苔遍方書古字多成都今日雨應共酒相和

號州逢侯釗同尋南觀因贈別時停居務

盧綸

相見翻惆悵，應憐責廢官。  
過深慙祿在，識淺賴刑寬。  
獨失耕桑業，同思弟姪歡。  
衰貧羞客過，早束會君難。  
放鶴歸雲壁，澆花遶石壇。  
輿還江海上，跡在是非端。  
林密風聲結，山高雨勢寒。  
悠然此中別，賓僕亦闌干。

一作冊

題天華觀

前人

峰嶂徘徊霞影新，一潭寒水絕纖鱗。  
朱字靈書千萬卷

集作軸

蒼髯道士兩三人，芝童解說壺中事。  
玉管能留天

上春，昨見仙丹求不得。  
漢家簪紱

集作綬

在羸身

和李中丞誚萬年房少府過汾州景雲觀因以

寄

房與李早年同居此

前人

顯晦澹無跡賢哉常晏如如何驚孤鶴忽乃傳雙魚  
叙以泉石舊悵然風景餘低徊青油幕夢寐白雲居  
玉洞桂香滿雪壇松影踈沉思矚仙侶紆組正軍書  
積學早成道感恩難遂初梅生諒有感歸止豈無廬

題葉道士山房

顧况

水邊垂柳赤欄橋洞裏仙人碧玉簫  
近得麻姑書信否

潯陽向上不通潮

題玉真觀公主山池院

司空曙

香殿留遺影春朝玉戶開羽衣重素機

集作几

朱網儼塵

埃

集作埃

石自蓬山得泉經太液來柳絲遮綠浪花粉落

青苔鏡掩鸞空在霞銷風不迴

一作來

惟餘古桃

一作古壇樹

傳是上仙栽

同蕭鍊師宿太一廟

李益

微月空山曙春初

集作初

謁少君落花壇上掃

集作拂

流水



洞中聞酒引芝童  
奠香餘桂女  
焚鶴飛將羽節  
遙向赤城分

雲陽觀寄袁稠

李端

花洞漏沉沉

集作花洞  
晚陰陰

仙壇隔杏林  
漱泉春谷冷  
擣藥

夜窻深石上  
開仙酌

集作  
山酒

松間對玉琴  
戴家溪北住  
雪

後去相尋

武康郭外望許緯先生山居  
崔洞

湖上千峰帶落暉  
白雲開處見柴扉  
松門一徑仍生草

應是仙人

一作先生向郭稀

題茅山李尊師所居

嚴維

天師百歲少如童不到山中更不逢  
洗藥每臨新瀑水步虛時遶最高峯  
籬根五月留殘雪座石千年蔭古松  
此去人寰知近遠迴看路隔一重重

經故賀賓客鏡湖道士觀

朱放

已得歸鄉里逍遙一外臣那隨逝

集作流

水去不待鏡湖

春雪裏登山屐林間漉酒巾空餘

集作留

道士觀誰是學

仙人

宿王尊師居

于鵠

夜愛雲林好寒天月裏行青牛眠樹影白犬吠猿聲一

磬山

集作上

院靜千燈溪路明從來此峯容幾個得長生

過凌霄洞天謁張先生祠

前人

戢戢亂峯裏一峯獨凌天下看知

一作如

尖高上有十里

泉至人愛幽深一住十五

一作五十年

懸犢

一作牘

到其上乘

牛耕藥田衣食不下求乃是雲中仙山僧獨知處相引

衝碧烟斷崖畫昏黑槎杲橫雙

一作雙

椽面壁攀石稜養

力方敢前累歇日已没始到茅堂邊見客不問誰禮質

無周旋醉卧枕歌樹坐寒展青氈折松掃藜牀秋菜顏

色鮮鍊蜜敲石炭洗澡乘瀑泉白犬舐客衣驚走聞腥

羶乃知軒冕徒寧比雲壑眠

一作皆王安石詩選

早上凌霄第六峰入紫谿禮白鶴祠

前人

路轉第六峰傳是十里程放石試淺深硯壁蛇鳥驚欲  
下先褰衣路低避枯莖迴途歇嵌岨整帶重冠纓及到  
紫石溪晻晻天已明漸近神仙居桂花濕溟溟陰苔無  
人蹤是得白鶴翎忽然見朱樓象牌題玉京沉沉五雲  
影香風散縈縈清齋列上堂窻戶懸水晶青童搗金屑  
臼杵聲丁丁腥羶遥問誰稽首稱姓名若容在溪口願  
乞殘雲英

同張明府遊仙臺

朱灣

松檜陰陰一逕微中峯石室到人稀仙官不住青山在  
古老相傳白日飛華表問者何歲木片雲留著去時衣

今朝愁

疑作茂

宰尋真宰暫駐雙鳧且莫歸

宿天柱觀

僧靈一

石室初投宿仙翁喜暫容  
花源隔水見洞府過山逢  
泉湧堦前地雲生戶外峰  
中宵自入定不是欲降龍

經仙人渚即沈山下古人沈  
羲白日昇仙處

僧皎然

日月人間短何時此得仙古山春已盡遺渚事空傳不

見騰雲駕徒臨

一作聞

洗藥泉如今成逝水翻使恨流年

仙女臺

得仙字

前人

寂寞

一作寂

舊桑

一作朱

田誰家

一作何時

女得仙應無鷄犬在

空有子孫傳古木花猶發荒臺月尚懸

一作荒臺路未還

片雲

低不散

一作暮雲一片

疑是却

一作欲

歸年

題應聖觀

王建

見集本

精思堂上畫三身迴作仙宮度美人賜藥御書金字貴

行香天樂羽衣新空廊雨滴花甌縫小殿蟲緣玉像塵  
頭白女冠猶說得枯株不似已前春

題東華觀

前人

路盡烟光外院門題上清鶴雛靈解

集作虛

語瓊葉軟無

聲白髮道心熟黃衣仙骨輕還歸對憂樂何處覓長生

和楊三舍人晚秋與崔二舍人張秘監苗考功

同遊昊天觀時中書寓直不得陪隨因追往  
年曾與舊僚聯遊此觀記題在壁已有淪亡



書事感懷輒以呈寄兼呈東省三給事之作揚

君見徵鄙詞因以繼和

武元衡

瑤圃高秋會金闈奉詔辰朱輪天上客白石洞中人珮  
響泉聲雜朝衣羽服親九重青瑣秘三秀紫芝新化藥  
秦方士偷桃漢侍臣玉笙王子駕遼鶴令威身歎逝顏  
波遠緘詞麗曲春重將悽恨意苔壁問遺塵

一作因

題元和師仙藥室

楊衡

山邊蕭寂室石掩浮雲局遶室微有路松烟深冥冥入

松汲寒水對鶴問仙經石几香未盡水花風欲零何年  
去華表幾度窮滄溟却顧宦遊子眇如霜中螢

遊陸先生故巖居

前人

獨壑臨萬嶂蒼苔絕行跡仰窺猿挂樹

一作松

俯對鶴巢

石上有一巖屋相傳靈人宅深林無陽暉幽水轉鮮碧  
拾薪遇遺鼎探空得古籍結念候雲興燒香坐終夕

宿青牛谷梁鍊師仙居

前人

隨雲步入青牛谷青牛道士留我宿可憐夜久月明中

金史卷之八十三  
卷二百二十一  
惟有壇邊一枝竹

經東都安國觀九公子舊院作

劉禹錫

仙院御溝東今來事不同門開青草日樓閉綠楊風將  
犬昇天路披霓赴月宮武皇曾駐蹕親問主人翁

元和十年自朗州承詔至京戲贈看花諸君子

前人

紫陌紅塵拂面來無人不道看花迴  
玄都觀裏桃千樹

盡是劉郎別

集作去

後栽

再遊玄都觀絕句

前人

百畝庭中半是苔  
桃花淨盡菜花開  
種桃道士歸何處  
前度劉郎今獨來

善養臺下作

集作山上

前人

先生見堯心相與公

集作去

九有斯民既已治  
我得安山

一作林

數道為自然  
貴名是無窮  
壽瑤壇在此山  
識者常

迴首

玉真觀

張籍

臺殿曾為貴主家  
春風吹盡竹窻紗  
院中仙女脩香火  
不許閒人入看花

不食仙姑山房

前人

寂寂桂花裏  
草堂唯素琴  
因仙曾改姓  
見客不言心  
月出溪路靜  
鶴鳴雲樹深  
丹砂如可學  
便欲住幽林


西上經靈寶觀

觀即尹真人舊宅

孟郊

道士無白髮  
語音靈泉清  
青松多壽色  
白石恆夜明  
放

步霽霞起振衣華風生真文秘中頂寶氣浮四楹一片  
古關路萬里今人行上仙不可見孤集作策徒西征



文苑英華卷二百二十六

欽定四庫全書

集部

文苑英華卷二百二十七至  
九

詳校官太僕寺少卿臣李廷欽

助教臣常循覆勘

總校官進士臣朱 鈐

校對官編修臣盧 燧

謄錄監生臣劉 禮



欽定四庫全書

文苑英華卷二百二十七

宋 李昉等 編

道門三

宮觀三十三首

送僧道人二十六首

宮觀

早冬遊至王屋白靈都抵陽臺上方望天壇偶

成一章寄溫谷周尊師中書李相公

白居易

霜降山水清王屋十月時石泉碧深深

集作漾漾

巖樹紅離

離朝為靈都遊暮有陽臺期飄然塵世外鸞鶴如可追  
忽念公程盡復慙身力衰天壇在天半欲上心遲遲常  
聞此遊者隱客與損之各包貴仙骨俱非泥垢姿二人  
相顧言彼此稱男兒若不為松喬即須作臯夔今果如  
其語光彩雙葳蕤一人佩金印一人翳玉芝我來高其  
事詠嘆偶成詩為君題石上欲使故山知

宿簡寂觀

前人

欽定四庫全書

文苑英華卷二百二十七

宋 李昉等 編

道門三

宮觀三十三首

送僧道人二十六首

宮觀

早冬遊至王屋白靈都抵陽臺上方望天壇偶

成一章寄溫谷周尊師中書李相公

白居易

霜降山水清王屋十月時石泉碧深深

集作漾漾

巖樹紅離

離朝為靈都遊暮有陽臺期飄然塵世外鸞鶴如可追  
忽念公程盡復慙身力衰天壇在天半欲上心遲遲常  
聞此遊者隱客與損之各包貴仙骨俱非泥垢姿二人  
相顧言彼此稱男兒若不為松喬即須作臯夔今果如  
其語光彩雙葳蕤一人佩金印一人翳玉芝我來高其  
事詠嘆偶成詩為君題石上欲使故山知

宿簡寂觀

前人

巖白雲尚屯林紅葉初隕秋光引閒步不知行遠近夕  
投靈洞宿卧覺塵機泯名利心既忘市朝夢亦盡暫來  
尚如此况乃終身隱何以療夜飢一匙雲母粉

華陽觀桃花時招李六拾遺飲

前人

華陽觀裏仙桃發把酒看花心自知爭忍開時不同醉  
明朝後日即空枝

此詩三百二十一卷重出今已削去

宿張雲舉院

前人

不食胡麻飲杯中自得仙

集作離

招好客可室致芳

筵美

集作家

醞香醪嫩時新異果鮮夜深唯畏曉坐穩不

豈

集作

思眠碁罷嫌無敵詩成愧在前明朝題壁上誰得

衆人傳

題上皇觀

章孝標

五雲

集作烟霞

深蓋七星壇想像先朝駐禁鑿輦路已平栽

藥地皇風猶在步虛寒樓臺瑞氣晴蕭索杉檜龍身老

屈蟠感惠休言并李郭劍門空處望長安

題魚尊師院

賈島

老子堂前花萬樹先生曾見幾迴春  
夜煎白石平明喫  
不擬教人哭此身

過陽道士居

前人

先生脩道處茅屋遠囂氛  
叩齒坐明月樅願望白雲精  
神含藥色衣服帶霞紋  
每語瀛洲路多年別少君

古觀

朱慶餘

仙觀曾過知不遠  
花藏石室杳難尋  
泉邊白鹿聞人語

看過仙壇漸入深

一作林

玉芝觀章道士房

周賀

四面杉松合空堂  
畫老仙靈根停雲  
水曲角積茶煙道  
至心機盡宵清琴  
韻全獨嫌來又去  
不得坐經年

題終南麻先生寂禪師石室  
劉得仁

同居石室貧五十二  
迴春擁褐冥

集作忘

心客窮經暮齒

人翠沉空水定雨  
絕片雲新危細秋

集作草

峯徑相隨到



頂頻

題吳先生山居

前人

先生此幽隱便可謝人羣  
潭底見秋石樹間飛片雲  
山居心已慣俗事耳憎聞  
念我自多疾開爐藥許分

題上皇觀

薛逢

狂寇窮兵犯帝畿  
上皇曾此振戎衣  
門前衛士傳清警  
砌下奚官掃翠微  
雲駐壽宮三洞啓  
日迴仙仗六龍歸  
當時丹鳳銜書處  
老栢蒼蒼已合圍

題春臺觀

前人

殿前松柏晦蒼蒼，杏遶仙壇水遶廊。  
垂露額題精思一作院，博山爐裏降真香。  
苔侵古碣迷陳事，雲到中峰失上方。  
方便擬尋溪弄花去，洞天誰更待劉郎。

重遊蘇州玉芝觀

許渾

高梧一葉下秋初，迢遞重來寄舊居。  
月過碧窓今夜酒，雨淋集作紅壁舊年書。  
玉池露冷芙蓉淺，金井烟分集作瓊樹集作風高。  
薜荔踈從此扁舟集作日揚帆，更東去仙翁應笑憶集作。

為  
鱸魚

早出洞仙觀

趙嘏

露濃如水灑蒼苔  
洞口烟蘿密不開  
殘月色低當戶後  
曉鍾聲迥隔山來  
春生藥圃芝猶短  
夜醮齋壇鶴未迴  
愁是獨尋歸路去  
人間步步是塵埃

宿王屋天壇

馬戴

星斗半沉蒼翠色  
紅霞遠照海濤分  
折松曉拂天壇雪  
投簡寒窺玉洞雲  
絕頂醮迴人不見  
深林磬度鳥應聞

未知誰與傳金籙獨向仙祠拜老君

謁仙觀二首

前人

我生求羽化齋沐造山

集作  
仙

居葛蔓汲丹井石函盛

集作

開道書寒松多偃側靈洞遍清虛一就泉栖嶺

集作  
飲雲

中採藥蔬

二

山空蕙氣香乳管折雲房願值壺中客親傳肘後方三更禮星斗寸匕服丹霜默坐樹陰下仙經橫石牀

宿陽臺觀

前人

玉洞仙何在爐香客獨薰

集作芬

醮壇圍古木石磬響寒

雲曙月孤霞映懸流峭壁分心知世上

集作人世

隔坐與鶴

為集作羣成

題龍瑞觀兼呈徐尊師

方干

或雨或雲常不時定地靈雲雨自知世人莫識神方字

仙鳥偏棲藥樹枝深壑度年如晦暝陰溪入夏有凌澌

此中唯是

集作有

師知我未得尋師即夢師

叙龍瑞觀勝異寄于尊師

前人

混元融結致功難山下平湖湖上山萬頃涵虛寒澈灑

千尋聳翠秀爛斑

集作孱顏

芰荷香入琴碁處雷雨聲離棟

牖間但有五雲衣鶴嶺曾無陸路向人寰夜溪漱玉常

堪聽仙樹垂珠可要攀若棄榮名便居此自然

集作浮

清

濁不相關

尊師前年三十從評事棄官入道

題天柱觀魚尊師舊院

前人

早識吾師頻到此芝童藥犬亦相迎師今一去無來日

花洞石壇空月明

真觀

李羣玉

高情帝女慕乘鸞紺髮初簪玉葉冠

公主玉葉冠時人莫計其價

秋

月無雲生碧落素渠寒露出清蘭層城烟霧將歸遠浮

世塵埃久駐

集作住

難一日

集作自

簫聲飛去後洞深空探

集作洞碧瑤壇

宮深掩

餘姚

集作杭

縣龍泉觀

張枯

四明

集作廼

山一面臺殿倚嵯峨中路見江

集作山

遠上方

行石多山

集作天

晴花氣漫地暖鳥聲

集作音

和徒漱葛仙

井此生真奈何

華山李鍊師所居

皮日休

麻

一作花

姑古貌上仙才謫向蓮峯管玉臺瑞氣染衣金

液啓香烟映面紫文開孤雲盡日方離洞雙鶴移時只  
有苔深夜寂寥存想歇月天時下草堂來

終南白鶴觀

鄭谷

步步景通真門前衆水分檉蘿洞口

集作諸洞

合鍾磬上清



聞古木千尋雪寒山萬丈雲終期掃壇級來事

集作紫

陽君

題終南山白鶴觀憶契虛真人

張喬

上徹鍊丹峯求玄意未窮古壇青草合往事白雲空  
仙境日月外帝城烟霧中人間足煩暑欲去戀松風

書梅福殿壁二首

前人

梅真從羽化萬古是湏臾此地名空在西山雲亦孤井

痕平野水壇級上春蕪縱有雙飛鶴年多松已枯

二

一自白雲去千秋壇月明我來思往事誰更得長生雅  
韻磬鍾遠真風樓殿清今來為尉者天下有仙名

題古觀

前人

急景遽衰老此經誰養真松留千載鶴碑隔六朝人洞  
水流花草壺天閉雪春其如為名利歸踏五陵塵

王霸壇

周朴

王君上昇處信首古居前皂樹即湏朽白龜亦應全雲  
間猶一日塵裏已千年碧色壇如黛時人誰可仙

聖真觀劉真師院十韻

羅隱

簾下嚴君卦窓間少室峰攝生門已盡混跡世猶逢山

藪師王烈簪纓友戴顓魚跳介象

二字見三國吳書十八卷註

鱠飯

吐葛玄蜂紫飽垂新椹黃輕墮小松塵埃金谷路樓閣  
上陽鍾野鶴鳶肩寄仙書鳥爪封支牀龜縱老取箭鶴  
何慵別久曾牽念開來肯厭重尚餘青竹在試為剪一作

誰為成龍  
來

亂後經表兄瓊華觀舊居

唐彥謙

一去仙居似轉蓬  
再經花謝倚春叢  
醉中篇什金聲在  
別後音書錦字空  
長憶映碑逢  
若士未曾携杖逐  
壺公  
東風狼藉苔侵徑  
蕙草香銷杏帶紅

送僧人道士

荅句曲陶先生

范雲

終朝吐祥霧  
薄晚孕奇烟  
洞澗生芝草  
重崖出醴泉  
中

有懷真士被褐守中玄石戶棲十秘金壇謁九仙乘鶴

方履

一作履

漢轡鶴且騰天

贈學仙者

前人

採藥層城遠尋師海路賒玉壺橫日月金闕斷烟霞仙

人何處在道士未還家誰知彭澤意更覓

一作道

步兵家

一作那

春釀煎松葉秋盃浸菊花相逢寧可醉定不學丹

砂

山居晚眺贈王道士

王郭

金壇踈俗字玉洞侶仙群花枝棲晚露

集作霧

峯葉度晴

雲斜

集作落

日移山影迴沙擁籬

集作溜

文琴樽方待興竹

樹已迎曛

贈李榮道士

有序不錄

盧照隣

錦節銜天使瓊仙駕羽君投金翠山曲奠壁清江瀆圓  
洞開丹鼎方壇聚絳雲寶貺幽難識空歌迴易分風搖  
十洲影日亂九江文敷誠歸上帝詔應在明君獨有南  
冠客耿耿泣離群遙看八會所直氣曉氛氳

秋日餞陸道士陳文林

得風字

駱賓王

青牛遊華岳赤馬走吳宮  
玉柱離鴻怨金壘浮蟻空  
日霽嶠陵雨塵起洛陽風  
唯當玄度月千里與君同

遊青都觀尋沈道士

得仙字

劉孝孫

紛吾因暇豫行樂極

一作

留連尋真謁紫府披霧覲青

天緬懷金闕外遐想玉京前  
飛軒俯松竹抗殿接雲烟  
焔焔清夏景嘒嘒早秋蟬  
橫琴對危石酌醴臨寒泉  
聊祛塵俗累寧希龜鶴年  
無勞生翼羽自可狎神仙

同前得清字

許敬宗

幽人蹈箕穎方士訪蓬瀛豈若逢真氣齊契體無名既  
詮衆妙理聊暢遠遊情縱心馳貝闕怡神想玉京或命  
餘杭酒時聽洛濱笙風衢通閭苑集作嶽星使下層城蕙  
帳晨飈動芝房夕露清方叶棲遲趣於此遂鍾聲

同前得都字

凌敬

聊排青瑣闥徐步入清都青溪冥寂士思玄徇道樞十  
芒一作芝生藥筍七焰發丹爐縹袞桐君錄朱書王母符



宮槐散綠穗日堇落青柎矯翰雷門鶴飛來葉縣鳧凌  
空自可御安事迫中區方追羽化侶從此得玄珠

同前

得陽  
字

趙中虛

清溪阻千仞姑射藐汾陽未若遊茲境探玄衆妙場鶴  
來疑羽客雲沉似蜺裳

一作  
翔

寓目雖靈宇遊神乃帝鄉

道存真理得心灰俗累忘煙霞凝抗殿松桂肅長廊早  
蟬清暮響崇蘭散晚芳即此翔寥廓非復控榆枋

和梁王衆傳張光祿是王子晉後身

崔融

聞有冲天客披雲下帝畿三十上賓去千載忽來歸昔

偶浮丘伯今同丁令威中郎才貌是柱一作藏史姓名非

祇召趨龍闕承恩到虎闈丹成金鼎獻酒至玉杯揮天

仗分旄節朝容間羽衣舊壇宮處所新廟坐光輝漢主

存仙要淮南愛道機朝朝緱氏鶴長向洛城飛

玄化一作元觀尋李先生不遇

魏知古見初學記

羽客今何在空傳伊洛間忽聞歸舊縣復想入函關未

作千年別猶應七日還神仙不可見寂寞返蓬山

同工部李侍郎送司馬白雲歸天台

沈佺期

紫微降天仙丹地投雲藻上言華頂事中間長生道華  
頂居最高大壑朝陽早長生術何妙童顏後天老清晨  
朝鳳京夜靜思鴻寶憑崖飲蕙氣過澗摘靈草人非冢  
已荒海變田應燥昔嘗遊北郡三霜弄溟島緒言霞上  
開機事塵外掃須來拋世務清曠未云保崎嶇待漏恩

怵惕司言造軒皇重齋拜漢武愛祈禱順風懷崆峒承  
露在豐鎬冷然委輕馭復得快幽抱關下留伯陽儲間  
登四皓昔有參同訣何時一探討

寄天台司馬先生

崔湜

聞有三元客祈丹九轉成人間白雲返天上赤龍迎尚  
惜金芝晚仍攀琪樹榮何年緱嶺上一謝洛陽城

寄天台司馬道士

宋之問

卧來生白髮覽鏡忽集作已成絲遠媿飡霞子童顏且集作

常自持舊遊惜踈集作彌曠微尚日磷緇不寄西山藥何

由東海期

送田道士使蜀投龍

前人

風馭忽冷然雲臺路幾年蜀門峰勢斷巴字水形連人  
隔壺中地龍遊洞裏天贈言迴馭日圖畫彼山川

送司馬道士遊天台

前人

羽客笙歌此地圖離筵數處白雲飛蓬萊闕下長思憶  
桐栢山頭去不歸

送楊道士往天台

張九齡

鬼谷還成道天台去學仙行應松子化留與世人傳此  
地烟波遠何時羽駕旋當須一把袂城郭共依然

祭南嶽事畢謁司馬道士

前人

將命祈靈嶽廻策詣真士絕迹尋一徑異香聞數里分  
庭八桂樹肅容兩童子入室希把袖登牀願啓齒誘我  
棄智訣迨茲長生理吸精反自然鍊藥求不死斯言眇  
霄漢顧予嬰紛滓相去九牛毛慙歎知何已

集作何  
知已

贈東嶽焦鍊師

王維

先生千載

集作  
歲

餘五嶽遍曾居  
遙識齊侯鼎  
新過王母

廬不能師孔墨  
何事問長沮  
玉管時來鳳  
銅盤即釣魚

竦身空裏語  
明目夜中書  
自有還丹

一作  
丹砂

術時論太素

初頻蒙露版  
詔將降軟輪  
車山靜泉逾  
響松高枝轉  
踈  
搢願問樵客  
世上復何如

贈焦道士

前人

海上遊三島  
淮南遇八公  
坐知千里外  
跳向一壺中  
縮

地朝珠闕行天使玉童飲人聊割酒送客乍分風天老  
能行氣吾師不養空謝居徒雀躍無可問鴻蒙

送張道士歸山

前人

先生何處士王屋訪茅君別婦留丹訣驅鷄入白雲人  
間數剩住天上復離群當作遼城鶴仙歌使爾聞

送王尊師歸蜀中拜掃

前人

大羅天上神仙客濯錦江頭花柳春不為碧雞稱使者  
唯令白鶴報鄉人



送方尊師歸嵩山

前人

仙宮欲住九龍潭  
旄節朱幡倚石龕  
山壓天中半天上  
洞穿江底出江南  
瀑布杉松常帶雨  
夕陽彩一作蒼翠忽  
成嵐  
借問迎來雙白鶴  
已曾衡岳送蘇耽

寄天台道士

孟浩然

海上求仙客  
三山望幾時  
焚香宿華頂  
裛露採靈芝  
屢踐莓苔滑  
將尋汗漫期  
儻因松子去  
長與世人辭

尋悔道士張山人

前人

彭陵

一作

澤先生柳山陰道士鵝我來從所好停策夏雲

一作漢陰

多重以觀魚樂因之鼓柷歌崔徐跡未朽千載揖

清波

越中逢天台太一子

前人

仙穴遙羽人停艫向前拜問予涉風水何事遠行邁登

陸尋天台順流下吳會茲山夙所尚安得問

集作問

靈恠

上逼青天高停臨滄海大雞鳴見日出當與仙人會

集作

每與神仙會諸本皆重押來去赤城中逍遙白雲外莓

會字惟一本常觀仙人旆

苔異人間濕布作集作空界福庭長不死勝境集作華頂舊  
稱最永願從之遊何當濟所屆

文苑英華卷二百二十七

欽定四庫全書

文苑英華卷二百二十八 宋 李昉等 編

道門四

送贈道人六十四首

贈嵩山焦鍊師

李白

二室陵青天三花含紫烟中有蓬海客宛疑麻姑仙道

在喧莫染跡高想已遷

一作綿

時餐金鷲藥

一作金蛾藥

屢讀

青苔篇八極恣遊憇九垓長周旋下瓢酌潁水舞鶴來

伊川還歸空山上獨拂秋霞眠蘿月挂朝鏡松風鳴夜  
絃潛光隱嵩嶽鍊魄栖雲幄霓衣何飄颻鳳吹轉綿邈  
願同西王母下顧東方朔紫書儻可傳盟骨誓相學

此乃集本全篇文苑元本頗畧

訪戴天山道士不遇

前人

犬吠水聲中桃花帶露濃樹深時見鹿溪午不聞鍾野  
竹分青靄飛泉掛碧峯無人知所去愁倚兩三松

奉餞高尊師如貴道士傳道錄畢歸北海

前人

道隱不可見靈書藏洞天

集作善

師四萬劫歷世遮相

傳別杖留青竹行歌躡紫烟離心無遠近長在玉京懸

送李青歸

集作南字

華陽川

前人

伯陽仙家子容色如青春日月秘靈洞烟霞辭世人化  
心養精魄隱兒窅天真莫非千年別歸來城郭新

送內尋廬山女道士李騰空二首

前人

君尋騰空子應到碧山家  
水春雲母碓風掃石楠花  
若戀幽居好相邀弄紫霞

二

多君相門女學道愛神仙  
素手握集作青靄羅衣曳紫

烟一往屏風疊乘鸞不着鞭

送女道士褚三清遊南嶽  
前人

吳江女道士頭戴蓮花巾  
霓衣不濕雨特異陽臺神足  
下遠遊履凌波生素塵  
尋仙向南嶽應見魏夫人



遇冲和先生

高適

冲和生何代或謂遊東溟三命謁金殿一言授集作拜銀

青自云多方術往往通精集作神靈萬乘親問道六宮無

敢聽昔者集作去限霄漢今來覩儀形頭戴雛鳳冠手搖

白鶴翎終日飲醇酒不醉復不醒常集作猶憶雞鳴山每

誦西昇經撫背念別離依然出戶庭莫見今如此曾為

一客星

龍道士問易叅同契

王昌齡

仙人騎白鹿髮短耳何長時余采菖蒲忽見嵩之陽稽  
首求丹經廼出懷中方披讀了不悟歸家問嵇康嗟余  
無道骨廢我入太行

謁焦鍊師

前人

中峰青苔壁一點雲生時豈意石堂裏得逢焦鍊師鑪  
香淨一作金按松影閒瑤墀拜受長年藥翩翻西海期

送宣尊師醮畢還越

劉長卿

吹簫江上曉惆悵別茅君踏火能飛雪登山集作吞刀入白

雲晨香永日在夜磬滿山聞揮手桐溪路無情水亦分

寄許尊師

前人

獨上雲梯入翠微蒙蒙

集作濛濛

烟雪映巖扉世人知在中

峰裏遙禮青山恨不歸

送暨道士還玉清觀

李頎

仙宮

文粹作官

有名籍度世吳江瀆大道本無我青春長與

君中州俄已到至理得而聞明主降黃屋時人看白雲

空山何窈窕三秀日氛氲遂此留書客超遙烟駕分

寄焦鍊師

前人

得道凡百歲燒丹唯一身悠悠孤峰頂日見三花春白  
鶴翠微裏黃精幽澗濱始無世上一作出世客不及山中人  
仙境若有夢朝雲如可親何由覩顏色揮手謝風塵

謁張果先生

前人

先生谷神者甲子馬能計自說軒轅師于今數千歲寓  
遊城郭裏浪跡希夷際應物雲無心逢時舟不繫霞餐  
斷火粒野服兼荷製白雲淨肌膚青松養身世韜精殊

豹隱鍊質同蟬蛻忽去不知誰偶來寧有契二儀齊壽

考六合隨休憇彭聃猶嬰孩松期且微細常問穆天子

更憶漢皇帝親屈萬乘尊將一作窮遊四海喬車徒徧草

木錦帛招談說八駿空往還三山轉虧蔽吾君感至德

玄老欣來詣受錄金殿開清齋玉堂閉笙歌迎拜首羽

帳崇嚴衛禁柳垂香爐宮花拂仙袂彌慶一作初年寶祚廣

致福蒼生惠何必待龍髯鼎成方取濟

宿贈廬山白鶴觀劉尊師 包 佶

蒼蒼五老霧中壇  
杳杳三山洞裏官  
手護崑崙象牙簡  
心推霹靂棗枝盤  
春飛雪粉如毫潤  
曉漱瓊膏冰齒寒  
漸恨流年筋力少  
唯思露冕事星冠

送帝司直西行

此公深  
入道門

李嘉祐

不耻青袍故  
尤宜白髮新  
心朝玉皇帝  
貌似紫陽人  
湘浦眠銷日  
桃源醉度春  
能文兼證道  
莊叟是前身

此詩二百二十八卷重出今已削去

送柳道士

錢起

去世能成道遊仙在

集作不

定家歸期千歲鶴行邁五雲

車海上春應盡壺中日未斜不知相憶處琪樹幾枝花

中書省言懷因酬嵩陽張道士見寄

錢起

朝花尋暝林對酒傷春心流年依素髮不覺映華簪垂

老遇中已

集作明代又作知已

酌思看寸陰如何紫芝客

集作多慙紫陽

客相憶白雲深

酬崔侍御期籍道士不至兼見寄

皇甫冉

一心求妙道幾歲候真師丹竈歸何處

集作  
在

白雲無定

期崑崙烟景

集作  
景致

絕汗漫往還遲君但焚香坐人間到

有時

送張道士歸茅山謁李尊師 前人

向山獨有一人行近洞應逢雙鶴迎常以素書傳弟子  
還因白石號先生無窮杏樹何年種幾許芝田帶月耕  
師事少君年歲久欲隨旄節往層城



送李道士

顧况

人境年虛擲仙源日未斜  
羨君乘竹杖辭我隱桃花  
鳥去寧知路雲飛似憶家  
莫愁客鬢集作髮改自有紫河車

送葉尊師歸處州

耿緯

風馭南行遠長山與夜江  
羣祆離分野五嶽拜旌幢  
石髓調金鼎雲漿實玉釭  
折折犬聲曉洞府有仙尫

送王道士

盧綸

夢別一仙人霞衣滿鶴身  
旌幢天路曉桃杏海山春  
種

玉非求稔燒金不為貧自憐頭早白難與葛洪親

酬暢當尋嵩丘麻道士見寄 前人

聞逐樵夫閒看棋忽聞人世是秦時開雲種玉嫌山淺  
渡海傳書恠鶴遲陰洞石幢微有字古壇松樹半無枝  
煩君遠示青囊錄願得相從一問師

藍溪期蕭道士採藥不至 前人

春風生百藥幾處木苗香人遠花空發

集作落

溪深月復

長病多知藥性老近憶仙方青節何由見三山桂自芳

送道士却彛素歸內道場

前人

病老正相仍，忽逢張道陵。  
羽衣風淅淅，仙境玉稜稜。  
叱我問中壽，教人祈上昇。  
樓居五雲裏，幾與武皇登。

寄全椒山中道士

韋應物

今朝郡齋冷，忽念山中客。  
澗底束荆薪，歸來煮白石。  
欲持一瓢酒，遠寄風雨夕。  
落葉遍空山，何處尋行跡。

贈韓道士

戴叔倫

日暮秋風吹野花，上清歸客意無涯。  
桃源寂寂煙雲閉。

天路悠悠星漢斜，還似世人生白髮。定知集作自仙骨變。

黃芽東城南陌頻相見，應是壺中一作天別有家。

送李道士歸山

崔洞

秋城臨古路，城上望君還。曠野入寒草，獨行隨遠山。授人鴻寶內，將犬白雲間。早晚燒丹罷，遙知冰雪寒。

謁李尊師

奚賈

萬物還常性，唯道貴自然。先生容其隱，隱兒為列仙。鍊魄閉瓊戶，養毛飛洞天。將知逍遙久，得道無歲年。

送王鍊師赴王屋洞

權德輿

稔歲在芝田，歸程入洞天。白雲亂上國，青鳥會羣仙。自

以棊銷日，寧資藥駐年。相看話離念，

集作合

風馭忽泠然。

與道者同守庚申

前人

洞真善救世，守夜著

集作着

仙經。俾我外持內當，茲申配

庚齋。心已恬愉，澡身自澄。明沉沉，簾帷下。靄靄燈燭清。

四支動，用息一室虛。白生收視，忘取捨。叩齒集神靈。伊

予嗜欲寡，居常疴恙輕。三尸既伏竄，九藏乃和平。無令

耳目勝則使性命傾窅然深夜中若與元氣并釋宗稱  
定慧儒師著誠明派分示三教理詣無二名吉祥能止  
止委順則生生視履苟无咎天祐期永貞應物知不勞  
虛中理自冥豈資金丹術即此駐顏齡

送吉州閻使君入道二首

戎昱

聞道桃源志塵心忽自悲余當從宦日君是去

一作官

時金永封仙骨靈津咽玉池受傳三籙備起坐五雲隨  
洞裏花常發人間鬢易衰他年會相訪莫作爛柯基

二

廬陵太守近隳官月帔初朝玉帝壇風過鬼神迎受錄  
夜深龍虎衛燒丹水容入境纖埃靜玉液添一作瓶漱  
齒寒莫遣桃花迷客訪千山萬水訪君難

題服生栢道士

于鵠

服栢不飛鍊閒眠閉草堂有泉誰一作與漱留火為焚  
香新雨閒門靜孤松滿院涼仍聞枕中術親授漢淮王

題王道者

一作贈  
隱者

前人

去尋常不在

集作長不出門似絕人行牀下石苔滿屋一作多不見

頭秋草生學琴寒日

集作寒月一作冬日

短寫易曉寤明唯到

一作

有黃昏後溪中聞磬聲

此詩二百三十二卷重出今已削去注異同為一

作

寄續尊師

前人

得道任髮白亦

一作每

逢城市遊新經天上取靈

集作稀

藥

洞中收春木帶枯葉新蒲生漫

疑作慢

流年年望靈鶴長



在此山頭

終南褚尊師

集作題南  
峯褚道士

前人

得道終南

集作  
南山

久曾教四皓  
碁閉門醫病  
鶴倒篋養神

龜松際風長在  
泉中草不衰  
誰知茅屋裏  
有路通

集作  
向

峨嵋

入白芝溪尋黃尊師

前人

觸烟入溪口  
茫茫唯檉檉  
其中飛碧流  
十里不通屐  
出林尚未明  
細逕懸峭壁  
把藤借竹勢  
光猥猿猱跡  
忽然

風景異乃到神仙宅天晴茅屋頭殘雲蒸氣白隔窓梳  
髮聲久立聞吹幘抱琴出門來不是人間客山院不洒  
掃四時自虛寂落葉埋長松出地纔滿一作數尺曾讀上

一作涌

清經去住

疑作注

長年籍願示不死方何山有瓊液

使院憶山中道侶兼李七副使約

崔備

松竹去名嶽衡茅思靜居山君水上印天女月中書舊  
帙芸香在空奩藥氣餘褐衣寬易攬白髮少難梳病柳

傷摧折殘花惜掃除憶巢同仙鳥避網甚跳魚嵒阮慙  
交絕求羊愧跡踈與君非宦侶何日共樵漁

訪羊尊師

孫 韋

花下問童子言師採藥去只在此山中雲深不知處

越中贈程先生

釋法震

紗帽度殘春虛舟寄一身谿邊逢越女花

一作洞

裏問秦

人古塞連山靜陰霞落海新有時城郭去贈與酒家親

題萬山許鍊師

前 人

道成人不識流水響空山花暗軒窗外雲隨坐卧間  
驗圖名已久絕粒事長閒更欲崑崙去羞看絳節還

七言贈張道士

僧皎然

玉京真子名太一因服日華心如日此心不許世人知  
只向仙宮未曾出

送褚道士

前人

聞說洞庭無上路春遊亂踏五雲芝含桃風擺花狼藉  
正是仙翁碁散時

遇谷口道士

司空曙

一見林中客，閒知州縣勞。  
白雲秋色遠，蒼嶺夕陽高。  
自說名因石，誰逢手種桃。  
丹經儻相授，何用戀青袍。

送張鍊師還峨嵋山

前人

太一天壇天柱西，垂蘿為挽石為梯。  
前登靈境青霄絕，下視人間白日低。  
松籟集作韻萬聲和管磬，丹光五色雜

虹一作雲蜺春山一入尋，無路鳥響煙深。  
集作深林水滿溪

送王尊師歸湖州

前人

烟蕪蒲洞青山遠  
幢節飄空紫鳳飛  
金闕乍看迎日麗  
玉簫遙聽隔花微  
多開石髓供調膳  
時御霓裳奉易衣  
莫學遼東華表上  
千年始欲一迴歸

送王先生歸南山

前人

儒中年最老  
獨有濟南生  
愛子方傳業  
無官自偶耕  
竹通山舍遠  
雲接玉集作雪  
田平願作門人去  
相隨隱姓名

尋紀道士偶會諸叟

李益

山陰逢集作尋

道士映竹羽衣新  
侍坐雙童子陪遊五老

人水花松下淨壇草雪中春見說桃源洞如今猶避秦

送吉道士拜官歸舊業

李端

聞有華陽客儒裳靄紫薇舊山連藥賣孤鶴帶雲歸柳  
市名猶在桃源夢已稀遠鄉見鷗鳥應愧背船飛

送馬尊師

前人

南入商山松路深石牀溪水畫陰陰雲中採藥隨旄節  
洞裏耕田映綠林直上煙霞深舉手迴經丘壠自傷心  
武陵花木應長在願與門人更一尋

贈太清宮道士

王建

上清道士未昇天南嶽中華作散仙書賣八分通字學  
丹燒九轉定人年修行近日影如鶴導引多時骨似綿  
想向諸山尋一作巡禮遍却迴還守老君前

贈詔徵王屋道士

前人

玉皇符到下天壇瑤瑁頭簪白角冠鶴遣院一作洞中童

子養鹿憑山下老人看道成不怕丹梯峻集作刀髓寶

常欺石榻寒能斷人間集作世腥血味長生只要一丸丹



贈廬山道士

楊衡

寂寥高室古松寒松下仙人字委鸞頭垂白髮朝鳴磬  
手把青芝夜遶壇物像自隨塵外滅真源長向性中看  
悠悠萬古皆如此秋比松枝春比蘭

贈羅浮易鍊師

前人

海上多仙嶠靈人信長生榮衛冰雪姿嚙嚼日月精默  
書絳符遍晦步斗文成翠髮霞疑肩長金蓋凌風輕曉  
籟息塵響天雞一作鹿叱幽聲碧樹來戶陰丹霞照窻明

焚香扣虛寂稽首迴太清鸞鷲振羽儀飛翻一作拂旆

旌左挹玉泉液右舉雲芝英念得叅龍駕攀天度赤城

登紫霄峯贈黃仙師

前人

紫霄一作扁不可涉靈峰信穹崇下有瓊樹枝上有翠髮

翁雞鳴秋漢側日出紅霞中璨璨真仙子執旄為侍童

焚香杳忘言默念合一作思含太空世華徒熠耀虛室自朦

朧雲氣瓊瑤圃龜息芝蘭藂玉籙掩不開天窻微微風

茲焉悟佳旨塵境亦幽通浩淼臨廣津永用挹無窮

送王鍊師赴王屋洞

權德輿

稔歲在芝田，歸程入洞天。  
白雲亂上國，青鳥會羣仙。  
自以棊銷日，寧資藥駐年。  
相看話離念，集作合風馭忽泠然。

與道者同守庚申

前人

洞真善救世，守夜著

集作者

仙經，俾我外持內當。茲申配

庚齋，心已恬愉，澡身自澄，明沉沉，簾帷下，靄靄燈燭清。

四支動用息，一室虛白生。收視忘取捨，叩齒集神靈。伊予嗜欲寡，居常疴恙輕。三尸既伏竄，九藏乃和平。無令

耳目勝則使性命傾窅然深夜中若與元氣并釋宗稱  
定慧儒師著誠明派分示三教理詣無二名吉祥能止  
止委順則生生視履苟无咎天祐期永貞應物知不勞  
虛中理自冥豈資金丹術即此駐顏齡

送吉州閫使君入道二首 戎昱

聞道桃源志塵心忽自悲余當從宦日君是去一作棄官

時金永封仙骨靈津咽玉池受傳三籙備起坐五雲隨  
洞裏花常發人間鬢易衰他年會相訪莫作爛柯碁

二

廬陵太守近隳官月帔初朝玉帝壇風過鬼神迎受錄  
夜深龍虎衛燒丹水容入境纖埃靜玉液添一作瓶漱  
齒寒莫遣桃花迷客訪千山萬水訪君難

題服生栢道士

于鵠

服栢不飛鍊閒眠閉草堂有泉誰一作唯與漱留火為焚

香新雨閒門靜孤松滿院涼仍聞枕中術親授漢淮王

題王道者

一作贈  
隱者

前人

去尋常不在

集作長不出  
一作多不見

門似絕人行牀下石苔滿屋

頭秋草生學琴寒日

集作寒月  
一作冬日

短寫易曉寤明唯到

一作

有黃昏後溪中聞磬聲

此詩二百三十二卷重出今已削去注異同為一

作

寄續尊師

前人

得道任髮白亦

一作每

逢城市遊新經天上取靈

集作稀

藥

洞中收春木帶枯葉新蒲生漫

疑作慢

沅年年望靈鶴長

在此山頭

終南褚尊師

集作題南  
峯褚道士

前人

得道終南

集作  
南山

久曾教四皓  
碁閉門醫病  
鶴倒篋養神

龜松際風長在  
泉中草不衰  
誰知茅屋裏  
有路通

集作  
向

峨嵋

入白芝溪尋黃尊師

前人

觸烟入溪口  
茫茫唯檉檉  
其中飛碧流  
十里不通屐  
出林尚未明  
細逕懸峭壁  
把藤借竹勢  
光猗猿猱跡  
忽然

風景異乃到神仙宅天晴茅屋頭殘雲蒸氣白  
隔窓梳髮聲久立聞吹幘抱琴出門來不是人間客  
山院不洒掃四時自虛寂落葉埋長松出地纔滿一作數尺曾讀上

一作涌

清經去住

疑作注

長年籍願示不死方何山有瓊液

使院憶山中道侶兼李七副使約

崔備

松竹去名嶽衡茅思靜居山君水上印天女月中書  
舊帙芸香在空奩藥氣餘褐衣寬易攬白髮少難梳  
病柳



傷摧折殘花惜掃除憶巢同仙鳥避網甚跳魚嵒阮慙  
交絕求羊愧跡踈與君非宦侶何日共樵漁

訪羊尊師

孫 韋

花下問童子言師採藥去只在此山中雲深不知處

越中贈程先生

釋法震

紗帽度殘春虛舟寄一身谿邊逢越女花一作裏問秦

人古塞連山靜陰霞落海新有時城郭去贈與酒家親

題萬山許鍊師

前 人

道成人不識流水響空山花暗軒窗外雲隨坐卧間  
驗圖名已久絕粒事長閒更欲崑崙去羞省絳節還

七言贈張道士

僧皎然

玉京真子名太一因服日華心如日此心不許世人知  
只向仙宮未曾出

送褚道士

前人

聞說洞庭無上路春遊亂踏五雲芝含桃風擺花狼籍  
正是仙翁碁散時

遇谷口道士

司空曙

一見林中客，閒知州縣勞。  
白雲秋色遠，蒼嶺夕陽高。  
自說名因石，誰逢手種桃。  
丹經儻相授，何用戀青袍。

送張鍊師還峨嵋山

前人

太一天壇天柱西，垂蘿為挽石為梯。  
前登靈境青霄絕，下視人間白日低。  
松籟集作韻萬聲和管磬，丹光五色雜

虹一作雲蜺春山一入尋，無路鳥嚮煙深。  
集作深林水滿溪

送王尊師歸湖州

前人

烟蕪蒲洞青山遠  
幢節飄空紫鳳飛  
金闕乍看迎日麗  
玉簫遙聽隔花微  
多開石髓供調膳  
時御霓裳奉易衣  
莫學遼東華表上  
千年始欲一迴歸

送王先生歸南山

前人

儒中年最老  
獨有濟南生  
愛子方傳業  
無官自偶耕  
竹通山舍遠  
雲接玉集作雪  
田平願作門人去  
相隨隱姓名

尋紀道士偶會諸叟

李益

山陰逢

集作尋

道士映竹羽衣新  
侍坐雙童子陪遊五老

人水花松下淨壇草雪中春見說桃源洞如今猶避秦

送吉道士拜官歸舊業

李端

聞有華陽客儒裳靄紫薇舊山連藥賣孤鶴帶雲歸柳  
市名猶在桃源夢已稀遠鄉見鷗鳥應愧背船飛

送馬尊師

前人

南入商山松路深石牀溪水晝陰陰雲中採藥隨旄節  
洞裏耕田映綠林直上煙霞深舉手迴經丘壠自傷心  
武陵花木應長在願與門人更一尋

贈太清宮道士

王建

上清道士未昇天，南嶽中華作散仙。  
書賣八分通字學，丹燒九轉定人年。  
修行近日影如鶴，導引多時骨似綿。  
想向諸山尋一作巡禮，遍却迴還守老君前。

贈詔徵王屋道士

前人

玉皇符到下天壇，瑤瑁頭簪白角冠。  
鶴遣院一作洞中童

子養鹿，憑山下老人看。  
道成不怕丹梯峻，集作利髓實

常欺石榻寒，能斷人間集作世腥。  
血味長生只要一丸丹。

贈廬山道士

楊衡

寂寥高室古松寒松下仙人字委鸞頭垂白髮朝鳴磬  
手把青芝夜遶壇物像自隨塵外滅真源長向性中看  
悠悠萬古皆如此秋比松枝春比蘭

贈羅浮易鍊師

前人

海上多仙嶠靈人信長生榮衛冰雪姿燕嚼日月精默  
書絳符遍晦步斗文成翠髮霞疑肩長金蓋凌風輕曉  
籟息塵響天雞一作鹿叱幽聲碧樹來戶陰丹霞照窻明

焚香扣虛寂稽首迴太清鸞鷲振羽儀飛翻一作拂旆

旌左挹玉泉液右舉雲芝英念得叅龍駕攀天度赤城

登紫霄峯贈黃仙師

前人

紫霄一作扁

不可涉靈峰信穹崇下有瓊樹枝上有翠髮

翁雞鳴秋漢側日出紅霞中璨璨真仙子執旄為侍童

焚香香忘言默念合

一作思含

太空世華徒熠耀虛室自朦

朧雲氣瓊瑤圃龜息芝蘭蕞玉籙掩不開天窻微微風

茲焉悟佳旨塵境亦幽通浩淼臨廣津永用挹無窮



送天台道士

孟郊

天台山最高動躡仙城霞何以靜其目掃山除妄花何  
以潔其生掃泉去泥沙靈境物皆真萬物無一斜月中  
見心近雲外將俗賒遺身獨得身笑我牽名華

送無懷道士遊富春山水 前人

造化絕一作最高處富春獨多觀山濃翠的皜水折珠摧

殘溪鏡不隱髮樹衣常遇寒風猿虛空飛月狖叫嘯酸

信一作即此神仙樂豈為時俗安煮金陰陽火因恠星宿

壇花發或未識玉生忽叢攢蓬萊浮蕩漾非道相從難

送李尊師元

前人

口誦碧簡文身是青霞君頭冠兩片月肩披一條雲松  
骨輕自飛鶴心高不羣

送道友

集作送元亮師

前人

蘭泉滌我襟杉風

集作月

淒我心茗啜綠淨花經誦清柔

音何事

集作處

笑為別淡然愁不侵

一作禁

送蕭鍊師入四明山

前人

閒於獨鶴心大於高

一作喬

松年迴出萬物表高棲四明

巔千尋直裂峰百尺倒瀉泉絳雪為我飯白雲為我田

靜言不話俗靈跡

一作蹤

時步天

贈東嶽張鍊師

劉禹錫

東嶽真人張鍊師高情雅澹世間稀堪為列女書青簡  
久事元君住翠微金縷機中拋錦字玉清壇上着霓衣  
雲衢不要吹簫伴只擬乘鸞獨自飛

文苑英華卷二百二十八